



28. September 2023

UKA23/18

Aningaasarsianik akileraarutit pillugit Inatsisartut inatsisaata allanngortinneqarneranik Inatsisartut inatsisaat.

Qulequtaq siumumiit imatut oqaaseqarfigissavarput.

Inatsisip allannguutissaatut siunnersuut 2022-mi 2023-mi aningaasanik inatsisissamut atsioqatigiinnerup kinguneraa.

Tassa nunanit allanit aningaasaliisoqartarnera 2023-miik aallartittumik siuarsarneqassasoq nunanillu allanit aningaasalerusuttunut aporfissat peerneqarnissaannik kinguneqartussaalluni.

Aammatta Nunalerinermut ,Imminut Pilersornermut ,Nukissiutinut Avatagiisinullu Naalakkersuisup suliamut annertoorujusuarmut avataaneersunit aningaasaleerusussinnaasunik neqeroortussarsiornermut suliarujussuamut annertuumik attuumassuteqrpoq.

Soorunami tamatutaaq aatsitassarsiortitseqatigiiffinnut tunngassuteqarlunittaaq.

Aammalu aningaasarsiornitta assigiinngisitaartumik toqqammaveqarnissaanik qulakkeerinninnissatsinnut pingaaruteqarluinnarluni. Tassami aningaasat aalisarnermit isertittakkavut kisiisa isumalluutigitillungit aningaasarsiornitta sunnertiasumiinnera qaangertariaqaratsingu.

Piffissanngorpoq aningaasarsiornitta assigiinngissitaartumik toqqammaveqarluni toqqammavissinnissaa.

Inatsisissatut siunnersuutip matuma ingerlatseqatigiiffiit aatsitassat pillungit inatsit malillugu ,aammalu ergup nukingata innaallagissiornermut atorneqartarnera pillugu Inatsit ,Tamatumani erngup nukinganik nukissiuummik annertuumik tunisassiortut pineqarlutik.

Nunarput avataaniik aningaasaliisartunut aningaasaliiffigissallungu nittarsaanneqartuarnikuuvoq. Soorlu ullut makkua erngup nukinganik nukissiuutinik innaallagissiorfissarsuit siunertaralungit avammut nittarsaassineq annertoog ingerlanneqaleruttortoq.

Inatsisissap piffissami aggersumi nunarput avataaniik aningaasaliiffigissallungu orniginarnerulersissavaa.



Tassa Kalaallit Nunarput erngup nukinganik aatsitassarsiornermilu suliniutinut ,aammalu sermimik imermillu aningaasarsiateqarluni aningaasaliiffissatut pilerinanerulersitsisussaavoq.

Inatsisip atuutsinneqalerata kingorna assigiinngissitaartumik aningaasanik isaatitsinissatsinnut toqqammavissilluarnissarput kingunerissuaa.

Tamannaavorlu Aningaasanut Inatsit 2023-mut atsioqatigiinnermi anguniaqquneqartoq.

Inatsisissamik suliaqarnermi akileraartitseriaatsit assigiinngittut qulaajaaffigilluarnissaat pingaarutilerujussuuvooq. Tassami nunatut aningaasaliiffittut aningaasaliiffigineqaannarata aningaasanik annerpaamik pissarsissuteqarnissarput angusariaqarparput. Tamannalu siunertaavoq.

Aammalu siunnersuutip matuma ilagaa 2021-mi aningaasanut Inatsit akuersissutigineqarmat ilanngullungu akuerineqartoq, sulinngiffeqarnermi akiliunneqarluni angalatinneqartarnerup akileraaruteqartinneqalenera. Taamanikkullu Siumumiit tamatuma eqqunneqarnissaa akuersaanngilluinnarlutingu oqaatigisarnikuuarput. Kisianni amerlanerussuteqartunit akuerineqarluni atuuttussanngortinneqarpoq. Piffissap sivoorsuunngittup atuutereerneraniik allaffissornermut suliakkersuutaavallaartoq oqaatigineqarluni atuukkunnaartinniarnearpoq.

Tassa oqaatigaarput akерlerisimallutingu. Taamaammatt atuukkunnaarsinneqarnissaanik Naalakkersuisut Inatsisissamat peqatigisillungu Siumumiik qujarutigaarparput, uppernarsineqarmat 2021-mi oqariartuutivut eqqortuusimasut.

Kisiannili inuit atugaannik oqinnerulersitsianiarluni suliniutit arlalissuit ukiaq manna aaliagiiffigisussaavavut. Tamatumunnga aamma ilaalluni Akileraartarnikkut aaqqissuusseqqinneq. Siumumiit apererusuppungut aaqqissuusinerit pingaarutilerujussuit ingerlanniartillungit ilumut suna tamaat pukuttusullusooq pillungu aaqqipallattarnerit kingusinnerusukkut iluarsipallaannartarnerat atuutsiinnassaneripput?

Akileraartarnermut aaqqissuusseqqinnermut ilanngullungu pullallungu suliarineqaannassanngila? Oqareernittut suna tamaat pukullugulusooq aningaasatingut eqquinerluttarnerit pisariaqanngittut qaagiuttariaqarput.

Paasilluarsinnaakuttoorparput atorunnaarpat sulisut nuttarnerusinnaanerannik kinguneqartussaasoq.

Ernianillu akileraarusiisarnissamik atuutilersitsinissaq siunertaasoq isumaqatigaarpoq, Tassa ingerlatseqatigiiffiit nunatsinni angerlarsimaffeqartut oqilisaassiffigineqarniarput, akileraarutikiffiusuni ernianut akiliutimik akileraarutaat unerartissavaat. Taassumalu malitsigisaanik allanik akileraarusiinnginnissamik alaqaartunik malitseqartussavoq.

Taamatuttaaq tulliatut siunnersuutigineqarpoq ingerlatseqatigiiffiit nalikilliliisarnera maleruagassanik qasukkallunilu sukaterisoqassasoq. Taamatullu maleruagassiornerup



allaffissornermut suliakkersuutaannginnerulerneranik kinguneqartussaamera
iluarisimaarparput.

Taamatut oqaaseqarluta ataatsimiititaliami eqqartorluarneqarnissaa innersuutigaarput.

Siumut

Karl Tobiassen